



13. august 2010

UKA 2010/51

Inatsisartut suleriaasianni § 32 naapertorlugu aalajangiiffigisassatut siunnersuut imattoq matu-muuna saqqummiuppara:

**Kalaallit Nunanni aatsitassap piiarneqarsinnaatitaasup suulluunniit uran-imikakuata 0,1 %-mut qaffasinnerpaaffilerneqarnissaa piaarnerpaamik sulissutigeqquillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**  
(Siumup Inatsisartuni ilaasortai)

**Tunngavilersuut:**

Nunarput pisuussuterpassuaqarpoq. Pisuussuterpassuilli taakku pinngortitamik mingutsitsinermik kinguneqarsinnaanerat eqquaffigiuannartariaqarpalput. Taamaaliortariaqarpugut immap naqqa-ni uuliasiorfinni mingutsitsisinnaaneq eqqarsaatigalugu taamaaliortariaqarpugullu aqerlumik, cad-miummimik assigaannillu pinngortitamik mingutsitsiinnaratik aamma inunnut peqqissutsikkut sunniutipilussinnaasunik toqnartunik akulinnik aatsitassarsiertoqartillugu.

Avatangiisit isumannaallisaanerlu eqqarsaatigalugit illersorneqarsinnaasumik aatsitassanik piaa-neq ingerlanneqartassasoq aatsitassanut inatsimmi aalajangersarneqarpoq. Aatsitassanut inatsit malillugu akuersissuteqartoqarsimatillugu ilaatigut isumannaallisaanermut avatangiisinullu tunngatillugu atugassarititaasussanik aalajangersaasoqartarpoq, tassunga ilaallutik aatsitassarsiorne-rup matuneranut atillugu sumiiffiit avatangiisit innarlitsaaliorneqarnerat isumannaallisaanerlu eqqarsaatigalugit illersorneqarsinnaasumik qimanneqartarnissaat qularnaarniarlugu suliffeqarfiup iliusissai.

Avatangiisit peqqinnissakkullu sunniutissat aatsitassarsiorneq pillugu inatsisitigut takuneqarsin-naasutut pingartinneqartorujussuupput, tassani aalajangersagaqarmat Nunatsinni aatsitassanik sunilluunniit piaanerit tamatigut avatangiisink mingutsitsisinnaaneq peqqinnissakkullu sunniu-taasinnaasut sukumiilluinnartumik misissuiffingeqaqqaartassasut, aatitassanillu ujarlernissamut piaasinnaanermullu tunniussisoqarsinnaaneranut aalajangiisuuusassasut.

Canadami uranisiornermi misilittagarineqartut takutippaat teknologiomik nutaanerpaamik atuinik-kut aammalu pitsaassusissat atuuttut pitsaanerpaat aammalu malittarisassat Internationale Atome-nergi Agentur-imit Naalagaaffit Peqatigiit ataani inissisimasumit aalajangersarneqarsimasutut ittut maleqqissaaraanni, avatangiisintut isumannaallisaanermullu tunngatillugu nunat tamalaat akornan-ni akuersarneqarsinnaasumik pitsaassusilimmik angusaqartoqarsinnaasoq.

Aatsitassanik ujarlernissamut piaanissamullu akuersissutini tamani qinngornernik ulorianartunik akullit ilaatinneqartannginnissaat pillugu 1988-imi politikkikkut aalajangerneq atorunnaarsinne-qartariaqalerpoq. Aatsitassanik sunilluunniit qinngornernik ulorianartunik annikitsuinnarmilluun-niit akoqalaartunik piaasoqarsinnaanera inerteqqutigiunnaartariaqalerparput.

Isumaqaqput aatsitassarsiornissamut akuertsissutinik tuniussisoqarsinnaasariaqartoq aatsitassamulluunniit uranakuulaartutut qaqinneqartussaagaluarp – soorlu niubium-ip, tantanium-ip kiisalu nunami qaqutigoortumik nalaanneqartartut (sjældne jordar)-inik taaneqartartut – taakku annikit-suarannguamilluunniit uran-imik aqoqnerat pissutigalugu piliarneqarsinnaanerigaluannut immit-sinnut nikeriarneq ajuleqqatinnerput unittariaqalerpoq.

Aatsitassat pineqartut pingaartumik Nunatta Kujataani nassaassaapput, aammali Nunatta ilaani allani aamma nassaassaallutik. Niubium aamma tantanium saviminissanik akoorinermi atorneqartarput manngersaataallutik nukittorsaataallutillu kiisalu elektronikimik atortorissaarutinik nioqqu-tissiornermi – soorlu mobiltelefuuniliornermi, nunamilu qaqutigoortumik nalaanneqartartut (sjældne jordart)-inik taaneqartartut taamatuttaaq elektronikimik atortorissaarusiornermi atorneqartarlutik. Assersuutigalugu tasersuup Tatsip Kassullip eqqaani naqqanilu aatsitassanik taaneqartunik peqartoq ilisimaneqaraluarp 0,006%-tiinnarmik urannimik aqoqalaartunik, Narsallu eqqaani nunami qaqutigoortumik nalaanneqartartunik (sjældne jordart)-inik nunarsuatsinni piffinni ataasiakkaagin-narni allani pigineqartunik peqartoq ilisimaneqaraluarp. Taakkuli tamarmik ulloq manna tikillugu piliarneqarsinnaanngillat, qanorluunniit annikitsigaluartumik uranimik aqoqalaarsinnaasare-rat pissutigalugu.

Uransiussanngilagut aap. Kisianni aatsitassarsiussaagut Nunarput kusanartoq mianeralugu inuilu peqqissutsikkut akornusernaveersaarluinnarlugit.

Taamaattumik maanna piffissanngorpoq erseqqissumik oqaatigissallugu aatsitassanik allanik piaasoqassatillugu piliarneqarsinnaatitaasut taakku uranimik qinngorernillu ulorianartunik qanoq aqoqartigisinnaanerata qummut killissaata aalajangiiffiginissaanut.

Aatsitassat assigisaasalu qinngorernik ulorianartunik aqoqalaarsinnaanerata killilereratigut ani-ngaasarsiorfissat suliffissallu amerlasuut ammaanneqassapput, inuit peqqinnissatsinnut Nunattalu minguitsuunissaanik piumasaqarnitsinnik innarliinngilluinnarluta.

Nunatta pisuussutai iluaqutigissavavut, immitsinnut akornusernata. Ilumoorsinnaanngilarmi Nunatta pisuussutai ersigiinnarlugit immitsinnut ineriertortittaaliussagutta. Misissuinerit pisariaqartinnejartut tamarmik ingerlanneqeqqaartariaqarput aatsitassat uranimik aqoqalaaminertut piliarne-qarnissaannut akuersissutinik tunniussuisoqalersinnagu.

Tunngaviusumik isummerneq taamaattoq aalajangiussinnaagutsigu aatsitassarsiortiit arallit pingaartumik Kujataani ukiuni tulliuttuni ammarneqarsinnaalernissaat aqqutissiuutissavarput, tamatumunngali peqatigitillugu illersussallutigu qinngorernik ulorianartunik akullit akuata qummut killilerneqarnissa.

Killissarititaasup 0,1%-imut aalajangiunneqarnissaanik siunnersuuteqarnitsinnut pissutigaarput EU-p iluani taamatut killiliisoqarsimammat, Nunattalu EU-mik suleqateqarnera niueqateqarneralu tamatumuuakkutaaq najoqqutarineqarsinnaaqquallugu.